

Ulutampulo Lwakubalilapo: Ingileni Mu Mupashi

Ukusokolola 1:10, “Nali mu Mupashi mu bushiku bwakwa Shikulu, na umfwile ku numa yandi ishiwi likalamba, nge ntandala.”

Nali mu Mupashi.” Bushe cilya tacawama? Mwe, nalitemwa cilya. **Imwe kuti mwaibukisha fye yalya amashiwi, “Bonse ubumi bwa Mwinakristu.”** Nga ifwe tuli no kwikala nga Benakristu, ifwe tulingile ukuba mu Mupashi Wakwe. Yohane talelanda palwa kuba mu mupashi wakwe umwine. Cilya nga tacaletetele ifi ifimonwa. Calingile ukuba Umupashi wakwa Lesa. **Cilingile ukuba Umupashi wakwa Lesa na ifwe, bene, nga te ifyo ukubomba kwesu konse kwafye.** Paulo atile, “Nkapepela mu Mupashi, nkembila mu Mupashi, nkekalila mu Mupashi.” (1 Abena Korinti 14:15). **Nga kuliko icintu cimo icisuma ico icili no kwisa kuli ine cilingile ukusokolwelwa ku Mupashi, ukushininkishiwa ne Cebo, no kulenga ukumonekela ku fintu ifilecitika.** Nge fyo mucine Yohane alefwaikwa ukuba mu Mupashi ukupokelela aya amabusokololo ayapulamo ayapya ukufuma kuli Yesu, **ifwe tulingile ukuba mu Mupashi ukwiluka amabusokololo ayo Lesa atupela ukwikalila mu Cebo Cakwe, pantu cena Mupashi umo wine.** Nomba, **imwe teti mucite icisuma nangu cimo mpaka intanshi mwaingila mu Mupashi; Lesa teti amubomfye imwe.**

Nomba, Yohane alisendelwe ukufuma pa cishi ca Patimo, mu Mupashi, **mulya mu Bushiku bwakwa Shikulu. Buno bushiku bwa muntu, abantu balelwa, lelo ubushiku bwakwa Shikulu bukesa ilyo aya amabufumu yakesaba amabufumu yakwa Shikulwifwe kabili na Kristu Wakwe, lyena kukaba millennium. Ubushiku bwakwa Shikulu, bushiku bwakwisa Kwakwe, amabupingushi Yakwe, bulya e bukaba ubushiku bwakwa Shikulu.**

Buno bushiku bwa muntu; ulya e mulandu wine balamisunkanya uku no ku no kucita ifyo balefwaya ukucita na imwe, lelo kukaba inshita...bena balamwita nomba kakunkuluka wa mushilo kabili uwafulungana, lelo kukesaba inshita, ilyo bena tabakacite cilya. Bena bakabilikisha no kulila no

kuwila pankasa shenu. Baibele itila, Malaki 4:1-3, imwe mukesha nyata pa mito panuma bena bakocewa; tabakabashileko umushila nangu umusambo. Filya ni filya fine ifyo Baibele ya sosa: “Abalungami bakenda pa mito yaba bifi.” Cilya ni filya fine. Tabakabashileko umushila atemwa umusambo, takuli nangu cimo icakubwelelako. Kabili bena bakafumishiwapo.

Nomba, **buno bushiku bwa muntu, ukutukuta kwa muntu imilimo ya muntu, ulukuta lwa muntu, amano ya muntu, lelo ubushiku bwakwa Shikulu buleisa.**

Nomba, Yohane ali mu Mupashi. **Ena aingile mu Mupashi lyena ifintu fyatendeke ukucitika.** Kabili lyena ilyo aingile mulya, ena aumfwile intandala. Nomba intandala lyonse ibilisha ukupalama kwa cintu cimo. Imfumu ilepalama, bena bali no kulisha intandala. Ilyo Yesu alepalama, ena akalisha intandala (*1 Abena Tesalonika 4:16*). Bushe cilya cishinka? Ilyo Yosefe aleya bena balishishe intandala (*Ukutendeka 41:14-44*). Kabili nomba, icintu cimo cileisa ku ntanshi; Yohane aingile mu Mupashi kabili aumfwile intandala. Ena aumfwile intandala, kabili ena apilibwiwe ukulolekesha ico icali kunuma yakwe ilyo **ena aumfwile intandala, panuma ilyo aingile mu Mupashi** (*Ukusokolola 1:9-18*).

Nalimo ena aleshana, ukutoloka, ukubutuka ukushinguluka ponse pa cishi. **Ena alikwete inshita iisuma; ena ali mu Mupashi.** Cilya nalimo kuti caumfwika ica musalula, lelo nshilepilibula cena ulya musango. Mwamona? Ena nalimo alecita cilya. **Ndecetekela ena alikwete inshita iisuma mu Mupashi, ukulalumbanya fye Lesa;** pa mulandu cilya ni filya fine ico ica citike ilyo Umupashi wa wile pali bena pa nshita yakubalilapo. Ilyo Umupashi wa Mushilo wawile pali bena, bena batelententa nga baume abakolelwe nabanakashi, kabili bacitile kwati balikolelwe, noku bulubusa, no kulacita ifya kucita nga filya mpaka abantu batile, “Aba bantu nabesushiwa no mwangashi upya.” (*Imilimo ya Batumwa 2:1-21*). Ulya e musango bacitilemo inshita ya kubalilapo. E ico Umupashi pantu waishile isa nakabili, ena nalimo acitile umusango umo wine. Mwamona? Tapali nangu cimo icipya pali ici icintu; **ubu ni bukapepa ubwa nshita yakale.** Ee.

“Mu Mupashi pa bushiku bwakwa Shikulu...” Nomba, tulomfwa cena. Nomba, cinshi? Kabili ni cinshi ica citilwe? Ena alisendelwe ukufuma ku cishi nomba, **mu Mupashi, ukuya mu bushiku bwakwa Shikulu.** Lilya line ilyo aingile mu bushiku bwakwa Shikulu, ena aumfwile intandala. Cali ni cinshi? Cali Umuntu umo ukupalama. Umo umukalamba alepalama. Intandala yalila, umo Umuntu alepalama. Ena alilolekeshe. Aleluya!

Ukusosa, “**Nine Alifa na Omega, uwantashi no wa kulekelesha:** ndi fyonse fibili Alifa na Omega; ilyo nshila kulangisha icintu icili conse, ndefwaya iwe wishibe ifyo Ine Naba.” (*Ukusokolola 1:8*). Amenii.

Cilya e cintu cakubalilapo ico Ena amulengele wene ukwishiba **ifyo Ena Ali**. Nani uyu uulepalama? Bushe uyu ni Mfumu Yesu? Imfumu Lesa? Imfumu Mupashi wa Mushilo? Ena atile, “Ndi fyonse ifya Cena. Naba ukufuma pa A ukushinta pa Z. Ndi ukutendeka ne Mpela. Nine uushifwa, ulya uwa Muyayaya.”

Icapulishamo pa ma busokololo yonse caba Bulesa, bulesu ubwa Pulamo ubwakwa Shikulwifwe Yesu Kristu. Imwe teti muye pa cifulo icakubalilapo mpaka mwacetekela cilya, ukwenda ukufuma...Filya efyo petro asosele, “**Lapileni, kabili lyena moneni Bulesa.** No kubatishiwa mwi shina lyakwa Yesu Kristu ku kulekelelwa kwa membu shenu, **kabili lyena imwe muli abaiteyanya ukuya mu Mupashi.**” (*Imilimo ya Batumwa 2:37-41*). **Icintu cakubalilapo ico mulingile ukwishiba caba Bulesa bwakwa Kristu.** “Nine Alifa na Omega. Nine ukufuma pa A ukushinta pa Z; takuli nacimbi kano Ine. Nali pa kutendeka; nkaba pa kulekelesha. Naba Uyo uwalipo, ulipo, kabili uukesa, Impalume.” Tontonkanyeni pali cena. Filya efyo intandala ya sosele.

Pepeni kuli Lesa ku busokololo ku Mupashi Wakwe! Lulya e lutampulo lwa kubalilapo. Ingileni mu Mupashi!

Lekeni fye mbonfye icilangililo na cimbi. Nga cakutula mulefwaya ukundapwa. Cinshi ifyo Icebo cisosa? **Cisuma, ifwe bonse twalibelenga cena imiku iingi, lelo tatwaingile mu Mupashi ilyo twalebelenga cena.** Bushe twalilombe Lesa pa Mupashi Wakwe ukutusambilisha icine icituntulu ica cena? Nga twalicitile, ifwe kuti twaita abakalamba, **ukutumbula imembu shesu,** no kusubwa no kupepelwa, kabili cilya kuti caba cilya (*Yakobo 5:14-15*). Cena limbi teti cise lilya line, **lelo mu Mupashi Wakwe, cena na cipwishiwa.** Takuli nakabili icilye icakwipushako. Lesa ali no kufikilisha Icebo cakwe. Owe, ifwe **tulefwaikwa ukwingila mu Mupashi, kabili lyena ifintu fili no kucitwa.** Mwiya mu mulimo intanshi. **Ingileni mu Mupashi kabili lyena kabiyeeni ukupita mu milimo no kumona ifyo Lesa ali no kucita.**

Bushe mwalitala ukumona ifyo isonde lingila mu Mupashi wa fintu ifili mwisonde? Bena balaya ku mangalo yabo aya mupila, ku mangalo yabo aya lubilo, kabili na kumasha yabo. Bena balengila mu mupashi wa fyena. Bena tabekala palya nga maluba ya pa cibumba, utumuti utwakale utwauma. **Bena balengila mulya mwine mu myumfwile ya fintu kabili balaba iciputulwa ca fintu.** Lelo, owe, ifyo bena bapata Umwinakristu pa

kwingila mu Mupashi wa Cebo cakwa Lesa. Bena balatwita ifwe amashilu kabili bakakunkuluka ba Mushilo. Takuli nangu cimo ico teti bacite ukulangisha ulupato lwabo no kususha. Lelo suleniko cilya. Imwe kuti mwa enekela cilya. Ukwishiba uko cilefumina. **Twalilileni fye ukuya no kwingila mu Mupashi uwa kupepa (Yohane 4:24).**

Umupashi wesu wa busaka. Wabo uupya. Wabo uutuntulu. Waba uwatekanya kabili uwaposako amano lelo nangu cibe ifyo, **uwaisushiwa ne nsansa shakwa Shikulu. Umwinakristu alingile ukuba fye uwansansa nganshi no kwisushiwa no kwanga kwakwe muli Shikulu nge fyo isonde liba ilyo lisangalala no ku sansamuka mufya mangalo ya fiko.** Bonse babili Abenakristu kabili ne sonde bantu; bonse balikwata ifya kumfwa umfwa. **Ubupusano bwakutila imitima ya Benakristu ne fya kumfwa umfwa fyabo fya pali Shikulu wa Bukata ne citemwiko Cakwe, ilyo isonde liikusha umubili.** [1]

Namwishiba, bulya e bwaba ubwafya no Lukuta ilelo; **talwingila mu Mupashi nganshi. Ifwe twaba sana muli ifwe fwebene.** Mwe, **nga imwe kuti mwaifumyamo mwebene inshita iitali.** Mwatila, “Cisuma, namwishiba, ulukuta lwesu lwaba...Twalikwata ubutantiko ubwa lyonse.” Owe, nibani aba sakamana pa butantiko bwenu? Ndekabila imwe nga mwalifumine mu butantiko akale pakutila mwinga pusushiwa nangu cibe fyo. Amenii. Ukupusushiwa! Ukufuma mu butantiko! Ifwe tatusakamana palwa butantiko. **Ingileni mu Mupashi, lyena kuti mwamona ifintu ukucitwa.**

Kasesema uwakale inshita imo aishile putwamo nganshi, pantu umo aishile kuli ena; tacali icalungama ukwisa kuli wene. Ena ali ngowa fumishepo ubulungami bwakwe ubwakuipangila, kabili namwishiba ico acitile? **Ilyo Umupashi taulaisa pali ena, ena atendeke ukwimba shimo ishisuma inyimbo sha Bumupashi. (11 Ishamfumu 3:14-16). Lyena alingile mu Mupashi kabili atendeke ukumona ifintu. Ena alimwene ifimonwa. Ndekweba munyina, ubumi buli no kumoneka ubwa pusana nganshi ilyo Ulukuta lukengila mu Mupashi, no kuifumyapo mwebene, no butantiko ubo mwabamo mwebene.** Amenii. [2]

Namwishiba, **nalitemwa ukwimbila mu Mupashi pa numa yakulongana** ilyo imwe mwacikwata cilya icakuputaula ne fintu fyonse. Bushe tamucita? Owe, **ifyo natemwa ukwingila mu Mupashi lyena. Icebo ca cipelwa nomba; nomba icintu fye ceka Cena cifwaikwa caba umutonshi, amalumbo yamo, lyena Cena cilatendeka ukukula.** Mulemona? Owe, bushe mwalimutemwa Wene? Natwimye amaboko yesu

no kwimba lulya; nali mutemwa, nali Mutemwa, pantu Ena abalilepo ukuntemwa, no kushita ipusukilo lyandi pa cimuti ca Kalbale. [3]

Te mulandu ifyo mwaba aba mushilo, ifyo mwaba aba Bulesa, ifyo mwaba kapyunga atemwa me mbala utendeke fye, atemwa icili conse ico mwaba, **imwe tamwakatale ukuya nangu kumo na Lesa mpaka mwaingila mu Mupashi.** Cilya cishinka. **Nshilepilibula mulengila mu myumfwile. Ndepilibula ukwingila mu Mupashi.** Mwamona, mwamona? **Imwe mulengila mu myufwile, ukucita icili conse. Lelo ilyo mwaingila mu Mupashi, imwe mulamona ifintu.** Cilya cishinka. [4]

Nomba, munyina nga taulemona ukundapwa kwa Bulesa, iwe taulemona ulubatishe lwa Mupashi wa Mushilo, iwe taulemona uku ukusela ukwapulamo ukwa Mupashi wa kwa Lesa, ukwenda mulutampulo ulwa kulekelesha kuno, ingileni fye mu Mupashi inshita fye imo kabili muli no kumona ifintu, ifintu fili no kusokolwelwa kuli **imwe (1 Petro 1:13).** Imwe muli no kutendeka ukumona ifintu ukumoneka ifya ibela, ifyo fyena fyaleba. Cilya cishinka. Imwe tamwakaye ukutwalilila no Mupashi wa kwebaula; **imwe muli no kubwela uwapetama.** Cilya cishinka. [5]

Yobo pakuba kasesema aikete icimonwa. Ilyo ukusamba kwa menshi kukusansa kwa Mulopa, atemwa ukusansa kwa menshi ayakupatulanya pali wene. **Ilyo aumfwile Icebo ukwisa ukufuma kuli Elihu, umutima wakwe wali cikete** pantu ena ali ni kasesema. Ena ali minine. Ifibulukuto ifya bulwime; inkuba ya tendeke ukubyasha mu myulu (*Yobo 38;1-7; 19:25-27; 42:1-6*); **kasesema aingile mu Mupashi.** Ulya e musango fye weka **Ulukuta lukatala ukwikata icimonwa pa fyo lulingile ukucita, ilyo bena baingila mu Mupashi wa cena.** [6]

Ifwe tulingile ukwingila mu Mupashi wa nshiku sha kulekelesha ilyo inshiku shakulekelesha shili pano. **Mwaya ku lukuta, imwe mulingile ukwingila mu Mupashi uwakupepa ilyo tamulapepa.** Isonde lili no kwingila mu mupashi uwa mu nshiku shakulekelesha **ilyo** inshiku shakulekelesha shingesa, kabili ifwe tuli mu Mupashi wa nshiku shakulekelesha. Kabili **Lesa alilaile ukutila ifi fintu fikaba kuno, kabili filya eflyo tukwete.** Ifwe tuli mu nshiku shakulekelesha. Kabili abaume na banakashi na balala mutulo kabili tabacishibe. [7]

Ukulolekesha ukushinguluka pa cifyalilwa ca bantu, pa kumona ukutila tuli mu mupashi wa bushiku bwakulekelesha... bena balingile ukwingila mu Mupashi uwa mu calo ice lyeshi ilyo tabala onaulwa. Bena balingile ukuba mu mupashi wa bulwi ilyo tabalakwata ubulwi. **Lesa, lekeni tube mu Mupashi wakwa Kristu muno bushiku pakuti twinga**

kwata Kristu. Lekeni tube mu Mupashi wakulapila, Umupashi wa citetekelo. Peni wene kuli ifwe, mwe Shifwe, **pali ifi ifikalamba ifya bunonshi bwa bumi**. Fyena fya bupe fye, ukulomba fye. Kabili ukwishiba ukutila ifintu ifikalamba ifya bumi, **kabili ifintu fye fyeka ifya cine ifitwalilila fyaba ifishimoneka...** [8]

Mwamona, **conse ico mulecita, citeni fye fyonse mu Mupashi**. Cilya cishinka. **Kabili Umupashi ulaleta Icebo ku Mweo** (*1 Abena Korinti 14:15; Abena Efese 5:19*). Bushe cilya cishinka? Cilya cishinka. Ee, mukwai. [9]

Umwakumona:

- [1] “Icimonwa capa Patimo” (60-1204E), CAB pg. 43-45/ par. 90-91,131-132,141-145
- [2] “Amaka Ayakusala” (55-1007), par. E-36
- [3] “Inshita Ya Lukuta lwa Filadefia” (60-1210), par. 286
- [4] “Inshita Sha Nkuta Cinelubali” (54-0512), par. 120
- [5] “Eliya na Elisha” (54-0304), par. E-41
- [6] “Isenge na Lesa Ukupitila Mukwikishiwa” (56-0120), par. E-58
- [7] “Amepusho na Masuko” (54-0113E), COD pg. 125, par. 104
- [8] “Tulangisheni Shinwe Kabili Twala Pema” (53-0610), par. E-2
- [9] “Icilaka” (65-0919), par. 25